



# پیکارِ علم و ملامت



استانبول — ۱۳۳۰ تشرین ثانی



مکتب حربیہ مطبعہ سندھ طبع اول نمشدر



## پیاده تعلیمنامه سی

### مدخل

۱ — تعلیمنامه پیاده نك تعلیم و تربیه سنه عا ئد اصولرله محاربه سنه عا ئد قواعد اساسیه یی محتویدر . لکن صنف اصلی اولان پیاده همان دائما صنوف سائره ایله برلکده محاربه ایتدیکندن پیاده محاربه سنه تعلق اولدینی درجه ده صنوف مذکوره نك ده صورت حرکتی کوزه دلشدر .

۲ — حرب صیق برانضباطك و خودینی و بتون قوای مادیه و معنویه نك صرف و استعمالنی مستلزمدر . خصوصیه محاربه ده تحصیل ظفر و غالبیت بالجمله ضابطان و افراد عسکریه نك قوماندان اقدس عمومی اولان ذات حضرت پادشاهی ایله وطن و ملت اوغورنده شوق ایله

فدای جان ایتملرینه واک کوچکه قدر بالجمله رتبه اصحابنک  
بالذات اعمال فکر ایله اقتضای حاله کوره کنندی کندینه  
تدبیر اتخاذه آیشمش اولملرینه ونفراتک دخی احرازظفر  
عزم قطعینه مالک وما فوقلرک مجروحیت ویا شهادتلی  
حالنده بیله بو عزمی خالدار ایتماک اوصافی حائز بولملرینه  
متوقفدر .

۳ — حربده یالکیز ساددک ضامن موفقیتمدر .  
بوسبیدن اوکره نیله جک وقولانیله جق نظاملرک ساده  
اولسی لازم کلیر . هر درلو صنعی حرکاتر ممنوعدر .  
تعلیمنامه ده کوستریلان نظاملرک کمال امنیت واحاطه  
ایله تطبیقه سب قدرت ایدلملیدر توثیق انضباط ایچون  
مذکور نظاملرک تعالیم وتطبیقتندن تمامیت ومکملینه رعایت  
لازمدر

۴ — بلوک قوماندانی وبونک مافوقنده بولنان بالجمله  
قطعات قوماندانلری مادونلرینک تعلیمنامه احکامنه توفیقاً  
تعلیم وتربیه سندن مسئولدر بو مقصد ایچون مومالیهم  
وسائط انتخابنده ممکن اولدینی قدر سربست براقدا لیدر .  
آنجق وسائطک یا کاش انتخاب اولدینی ویا خود کری  
قالدینی کورولنجه درحال مداخله ایدلملیدر .  
کندک هر حزوؤتام قوماندانی مهمالکن بتون معیت  
موجوده سنک تعلیملرده حاضر بولنسندن مسئولدر .

بناءً عليه بالجمله لضابطان وكوچك ضابطان واوئباشيلرك  
تعليملرده موجود بولملىرینه وخدمات داخليه ايله قره غول  
خدمتى ايچون ممكن مرتبه آز عسكر افراز ايدلسنه  
ويالکز طبيب راپورنى جائز خسته لرله بهمه حال بر خدمت  
عسکريده استخدا منه مجبوري ت حاصل اولانلرك معاف  
طوتلسنه دقت ايدليلدر .

سنه تعليميه كلنجه مذکور سنه افراد جديده سنك  
ورودندن ايرتسى سنه افراد جديده سنك ورودينه قدر  
اعتبار ايديلوب ادوار آتیه ي حاويدر :

( ۱ ) قيش دورى

( ۲ ) ايلك بهار ( بلوك تعليمى ) دورى

( ۳ ) ياز دورى

( ۴ ) صوك بهار دورى

( ۵ ) صوك بهاردن صكره كى زمان

قيش دورى تقريباً اوچ آى امتداد ايدوب بودورده  
افراد جديده بلوك افراد عتيقه سيله برلكده اجراى  
تعليمه مقتدر اوله جق بر حاله كلنجه يه قدر آبروجه تعليم  
وتربيه ايدليكي كبي افراد عتيقه دخى سنه سابقه ده كى  
مكتسباتلرني تكرر تقويه ايدرلر .

ايلك بهار دورى افراد جديده تعليملرينك ختامندن  
طابور تعليمينه قدر امتداد ايتك اوزره تقريباً اوچ آيدن

عبارتدر . بو دوردۀ افراد جدیدہ ایلہ افراد عتیقہ  
یرلشدیریلہ رک بلو کہ مخصوص حرکات تعلیمیہ اجرا یدرلرہ .  
یاز دوری طاہور و آلابن ولوا تعلیملرینی ومانورہ لره  
حاضرلق اولوق اوزرہ خدمت سفریہ تعلیملرینی حاویدرہ .  
بونلردن طاہور تعلیمی لاقلا یکرمی ، آلابی تعلیمی  
لاقلا اون ، لوا تعلیمی لاقلا یش دفعہ اجرا اولنور .  
برکونده برای تعلیم اجتماع و بعدالتعلیم عودت ایدہ میہ جک  
قدر اقسامی مفرز بولنان طاہور آلابی ولوالرک تعلیملری  
مانورہ ایچون اجتماع زمانہ تعویق ایدیلوب بو حالده  
مذکور جزؤ تاملرک لزومی قدر ایرکن تجمع ایدہ رک  
مانورہ لره باشلامہ دن اشبو تعلیملرینی اکمال ایدرلر .  
بلوک اساساً ایلک بہار دورندہ ہر خصوصہ صورت  
مکملہ دہ تعلیم و تربیہ ایدیلہ میہ جکی جہتلہ بودوردہ بلوک  
تعلیمنہ دہ دوام اولنوب آنجق بو تعلیم بروجہ بالا تعلیملرلہ  
صورت مناسبہ دہ مزج ایدلک لازمدر .  
هیچ بردورک یالکنز تعلیمنامہ حرکاتنک تعلیمنہ حصری  
جائز اولیوب تعلیم ، سفریہ ، انداخت ، ادمان خصوصاتندہ  
وسائر شعبات تعلیمیہ دہ افرادک تربیہ لرینہ سنہ تعلیمیہ  
بدایتندن نہایتنہ قدر تدریجاً دوام ایدلیلیدر .  
ہر دوردہ اجرا اولنہ جق تعلیم و تربیہ نک منتظماً جریانی  
تأمین ایچون تعلیمی ادارہ یہ مأمور اولان قوماندانک

بر پروگرام ترتیب و تنظیم ایله تعلیم لری بوکاتوفیقاً اداره ایتسی مقتضیدر . اشبو پروگرامک ترتیبنده :

۱ - خدمات مختلفه نظامنامه لرندن هانکی مواد و حرکاتک ختام دوره قدر تعلیم ایدیله جکی ،

ب - هانکی مواد و حرکاتک تعلیم میداننده و هانکی لری نیک اراضی اوزرنده تعلیمی اقتضا ایده جکی ،

۶ - هر ماده و هر حرکت ایچون صورت عمومی ده نه قدر مدت تخصیصی ایجاب ایده جکی تعیین اولنوب موقع عسکرینک احوال اقلیمی و خصوصات ساثره سی ده نظر دقته آلنه رق اول امرده بر هفته تقسیماتی و بوکا نظراً یومی تقسیمات ( و بر کونده یاییله جق تعلیم لری ایچون ده ساعت تقسیماتی ) اجرا ایدیلور .

افراد جدیده تعلیم لری له بلو کدن اعتباراً مختلف جزؤ . تاملرک تعلیم لری ، معین اولان مدت لری ختامنده اصولاً تفتیش ایدیلیر . ادمان ، انداخت ، سفریه تعلیم لری نیک تفتیشی یاز دورینک نهایتنه طوغری اجرا ایدیلور . عجمی تعلیم لری له بلوک تعلیم لری نیک تفتیشی آلا ی قوماندانی و بونک غیبوتنده طا بور قوماندانی طرفندن ودها بیوک جزؤ تاملرک تفتیش لری اک بیوک مافوق ( قول اردو ، فرقه ، لوا قوماندان لری ) طرفندن اجرا ایدیلیر .

بیوک کوچک بالجمله مافوق لری و تفتیش اولنه جق جزؤ

تامك منسوب بولنديني آلاي ضابطانك كافه سي اثنای تفتيشده حاضر بولنور .

تعليمنامه مواد مندرجه سنك تفتيشلرينه معاینه نظامنده عسكرك معاینه سیله باشلانور . مفتش طرفندن طلب ایدیلن حرکات کورلدکن صوکره اجرا اولنه جق بر وسم کچید ایله تفتیش ا کمال ایدیلور و حرکت مذکورہ عموم ضابطان مواجهه سنده مفصلاً تنقید و تصحیح ایدیلور .

ادمان تعلیملری ، خدمات سفریه تربیه سی و افرادک منفرداً انداختده کی اقتدارلری آلاي قوماندانی طرفندن تفتیش ایدیلیر .

صنوف مختلفه نك متحداً اجرای تعلیم ایللری (مانوره لر) - صوك بهار بيوك تعلیملری - ایچون خاصه صوك بهار دورندن استفاده اولنور بونکچون اولامفرزه و مختلط لوالروبعده فرقه و قول اردولر حرکات عسکریه اجرا ایدرلر مع مافیه سائر تعلیم دورلری اثناسنده دخی هر موقع عسکریده کی صنوف مختلفه آره صره یرلشدیریلهرک موقع مذکور جوارنده کی اراضی مختلفه اوزرنده کوچک مقیاسده مفرزه تعلیملری اجراسی خصوصنده فوت فرصت ایدلاملیدر . مفرز قطعات عسکریده ایسه صنوف مختلفه نك وجودی فرض ایدیلهرک بو طرزده مفرزه تعلیملری اجرا ایدلملیدر .

صوك بهار دورندن صوكره كى زمان دخی خفیف  
تعلیمله دوام ایله برابر اسلحه و تجهیزات ایله ملبوساتك  
تعمیر و اصلاحنه و اساسلی صورتده تطهیراته حصرایدیلوب  
افراد جدیده نك استقبالری و تعلیمری تهیآتیه اشغال  
( هیئت معلمه نك احضاری ) اولنور .

۵ — اصل حرکات تعلیمیه بلوکهده ختام بولور.  
طابورده ودها بیوک جزؤتاملرده اقسام منفرده نك عین  
مقصد محاربه ایچون توحید اعمالی و حرکات ایلملری تعلیم  
اولنور .

۶ — عین خصوصك بردوزی یه تعلیمی ذهن و بدنی  
یوره جفندن، مواد تعلیمیه جه تنوع کوزه دملك لازمدر  
حرکاتك مدت و نوعلری ایسه نفراتك قوت و ادمانلریله  
متناسباً و تدریجاً تزید ایدلملیدر؛ چونکه عکس تقدیرده  
رخاوت حصولی غیر قابل اجتنابدر ، بو ایسه انضباطه  
خلل ایراث ایدر .

۷ — تعلیملر نه درجه مختلف اراضی اوزرنده  
اجرا ایدیلیرسه بونلری اجرا ایدن قطعه نك استفاده سی ده  
اونسبتده آرتار بناءً علیه بو صورتله تعلیملر اجرایی  
ایچون هر فرصتدن و هر موسمدن استفاده اولنمیلیدر .  
۷ مکرر — قطعاتك کیجه وقتی ده امنیتله و کورولتوسز  
بر صورتده حرکات اجراسنه آلیشدیرلمسی مقتضیدر .

۸ - سفر بر موجودلی جزو تاملرله تعلیملر اجرایی قیمت مخصوصه بی حائزدر . بونک حتی بلوک داخنده دخی فائده سی واردر ؛ شویله بعضاً بر ویا یکی طاقم موجود سفری یه ابلاغ و متباقیسی اسکلت حالنده مفروضاً وبالخاصه طاقم ضابطی و مانغه باشیلرینک موجود کاملیله ارئه ایدیله رک اجرای تعلیم اولنورسه طاقم قوماندانلرینک و بر چوق مانغه باشیلرینک یتشمسی تأمین ایدلمش اولور .

طابورده و طابوردن بیوک جزو تاملرده ، سفری قطعاتک یورویش دریندکنی حاصل ایتک اوزره ، بلوکلر بیننده کی مسافاتی تزئید ایتک صورتیله ده آره صره تعلیملر اجرایی شایان توصیه در .

۹ - حضری تعلیملرده ، تلفاتک ارئه سی امر اولنماش ایسه ، تقویه لر سببیه آوجی خطلری سلاحک سر بست قوللانلیسی ممکن اوله میه جق درجه ده صیقلاشه جفندن ، آوجی خطی خارچنده قالان نفرات خطک همان کریسنده و آوجیلرله عین وضعیتده بولنورلر و آتشدن ماعدا هر بر حرکت اشتراک ایدرلر .

۱۰ - قوماندانلرک (\*) اکثری اخبار و اجرا قوماندالرینه منقسمدر . اخبار اوزون ، اجرالر قیصه

---

(\*) که بونلر متنده بیوک حروفاتله باصلمشدر .

و کسکین اعطا اولنور. متنده اخبار لرایله اجرا قوماندانلری آره سنه ( — ) اشارتی قوللشدرد. قوماندانلرک کسکین اوله رق ویرلمه مسی مدلولی اولان حرکتلرک کوشک اجرا سنه سبب اولور. قوماندانلر صراحتله ایراد ایدملی و فقط مقصدک اقتضاسندن دها یوکسک سسله ویرلمه ملیدر. ویریلن هرمانکی بر قوماندانک مدلولی اولان حرکت تماماً اجرا ایدلدجه دیگر بر قوماندا ویرلمه ملیدر. حصول مقصده قوماندا کفایت ایتدیکی تقدیرده قوماندا یرینه امر ویریلور .

۱۱ — قطعاتک سوق و اداره سیچون قوماندانلر او امر دن ماعدا سسلنمه و اشارت دخی قابل استعمالدر. قوماندان اولجه دو دوک استعمالیه نظر دقتی کندینه جلب ایده بیلور. ایلری یوروتمک ایچون قوماندان قوانی یوقاری قالدیرر .  
قطعه کندیسنی تعقیب ایتمک ایچون قولنی یوقاری قالدیروب یورویش استقامتنی کوسترد .  
طوردیرمق ایچون قول یوقاری قالدیریلوب آشاغی ایندیریلور .

آوه چیقارمق ایچون هر ایکی قول اوموز تسویه سنده ایلرله اوزادیلور . لزومی حالنده بالاخره آوجیلرک ایلرلییه جکلری استقامت بر قول ایله اشارت اولنور .

جمع ایتمك ایچون باش اوزرنده قولله برداثره چوریلور .  
بو اشارتلا سلاخله ده ویریله بیلیر . خصوصات ساثره  
ایچون ویریله جك اشارتلك اولجه قرارلاشدیرلمسی  
لازمدر .

یناشیق نظامده بولنان برقطعه یه ویریله جك اشارت  
اساساً قطعه نك قوماندانه عاتدر .

۱۲ — بیوک مسافه لرده امر و تقریر لرك اشارت  
فلامه لریله [\*] تعاطیسی زمان وقوت تصرفی موجبدر  
لكن مؤثر آتش آلتنده قاعده سی وجه ایله اشارت  
ویرمك نادراً ممکن اوله جفندن ، صیق صیق تکرر  
ایده جك احوال محاربه نك سریعاً آکلاشلمسی ایچون  
اشارت فلامه لریله ویاخود قول ، سرپوش و ساثره ایله  
اشارت دخی قوللانیله بیلیر .

صورت عمومی ده هر ضابطك بیللمسی اقتضا ایدن  
آتیده کی اشارتلا قوللانیلیدر .  
۱۱۱ = ایلری !

ش ش ش = ایلریکی محاربه خطندن کری یه  
ویریلیرسه طوپچینك دها ایلری آتش ایتسی .  
ط ط ط = طور !

---

[\*] اشارت فلامه لریله مخابره تعلیمنامه سنه

مراجعت .

ف ف ف = ایلریکی محاربه خطندن کری یه  
ویریلیرسه : جیخانه لازم .

کریدن ایلری یه ویریلیرسه : جیخانه کلیوز .

ه ه ه = ایلریکی محاربه خطندن کری یه ویریلیرسه :

هجومه قالمق ایسته یوز . کریدن ایلری یه ویریلیرسه :

هجوم یاقلاشدی .

اشارت آ کلاشیلیرسه (آ کلاشیلیدی) جوابی ویریلیر .

بونلردن ماعدا احتیاج کورونن اشارات اولجه

قرارلاشدیرلملیدر .



برنجی قسم

حاضرلق

برنجی فصل

بلوك

۱ - بنایوب نظام

۰۱ تریه منفرده

قواعد عمومیه

۱۳ - تریه منفرده نك كمال جدیدیت واهتمام

ودقتله اجراسی تعلیم و تریه عمومیه نك اساسیدر.

متعدد نفراتك متحداً اجرای حرکت و تأثیری آنجق

هرنفرك آیری آیری اساسلی بر صورتده تعلیم و تریه

ایدلسنه وابسته در .

عجمی نفرك خطالی و ناتمام اوله رق تعلیم و تریه سی

اکثریا بتون خدمت عسکریه سی مدتجه اقتدارینک ناقص  
قالسنه سببیت ویرر . ایلك تعلیملرده دقتسزلك اثری  
اوله رق یرلشن خطالرك نتایج مضره سی نادراً برطرف  
ایدیله بیلیر . کذلک تربیه منفرده ده کی نواقصک قطعه جه  
اجرا ایدیه جک تعلیم و تربیه ایله تلاقیمی دخی نادر .  
الامکاندر .

افراد جدیده نك تربیه منفرده تعلیملری منسوب  
اولدقلری بلوک قومانداننک مسئولیتی و بلوک ضابطانندن  
برینک نظارت مخصوصه سی تختنده اوله رق اجرا اولنوره  
مستثنا اوله رق قره غوللره منقسم طابورلرده افراد جدیده  
طابورجه یراشدیریله رک تعلیم و تربیه ایدلکدنصکره  
بلوکلره و یریلیر . اشبو تعلیملر ایچون افراد جدیده  
۱۰ الی ۱۵ نفر دن مرکب تعلیم قطعه لرینه تفریق اولنوب  
هر قطعه یه برچاوش ویا اونباشی و معاون اوله رق دخی  
بر اوسته نفر و یریلیر .

افراد جدیده تعلیملری تربیه عسکریه نك اساسی اولدیفندن  
اشبو تعلیمه تخصیص اولنه جق معلم و معاونلر بلوکلک  
مقتدر و مستعد چاوش و اونباشی و نفرلرندن انتخاب  
اولنمیلدر . هیئت تعلیمیه داخل اولان ضابطان ،  
کوچک ضابطان ، اونباشیلر و نفرات مدت تعلیمیه  
ائناسنده هر درلو خدمتدن معاف اولوب آنجق خسته لک  
کبی برعزردن طولای تبدیل ایدیه بیلیر بو تعلیمه مأمور

ضابط ترتیب ایده‌جکی تعلیم پروگرامنی تعلیم‌ره بدادن  
برقاچ کون اول برای تصدیق ولدی‌الایجاب برای تعدیل  
بلوک قوماندانه تقدیم ایدر .

افراد جدیدنک ورودندن لاقل ایکی اوچ هفته  
مقدم هر بلوکده انتخاب ایدیلن هیئت تعلیمیه بو تعلیمه  
مأمور ضابطک نظارتی تحتنده اوله‌رق افراده اوکره‌تیله‌جک  
مواد تعلیمیه‌یی تکرار ایله احضار اولنور .

۱۴ — حرکاتک اجراسنده کسکینلک وسرعت  
طلب اولنمازدن اول ، ادمان تعلیم‌ری اعانه‌سیله‌چویکاک  
وجوده حاکمیت وایی برطوروش استحصال ایدلیلیدر .

## تفنگسز تعلیم و تربیه

اساس وضعیتی

۱۵ — حاضر اول ! قومانداسنده نفر آتیده‌کی

وضعیتی آلوب آرتق قلداغمز: آیاق اوچلری کونیه‌دن  
براز قیالی اولق اوزره اوچکلر وجودک مساعده‌سی  
نسبتنده بتشدیریلیر . وجودک آغرائنی اوچکلر وطبانلره  
مساواة تقسیم ایدیلیر . دیزلری خفیجه کریلیر .

کووده دیک طوتیلوب، کوکس طبیعی اوله‌رق ایلری  
چیقارواوموزلر عین‌تسویه‌ده اولق ویوقاری قالدیرلامق  
اوزره جزئی کری آلنیر .

قوللر سربستجه آشاغی صارقار . دیرسکلر خفیفجه  
بوکلش اولدینی حالده برآز ایلری آلنیر . اللر ، بیلک  
و پارمقلرک او جلریله برابر اولیغه تماس ایتدیریلیر پارمقلر  
بتیشیک و طبیعی اوله رقی بوکوک اولمالی واورته پارمق  
پانطولون زیهی اوزرنده بولنمایدیر .  
بو یون اوموزلر آره سنه کومامیه رک سربست و طوغری  
طوتیلور .

باش یوقاری قالدیریلوب چکه بویونه طوغری برآز  
کری چکیلیر و نظر سربستجه ایلری توجیه ایدیلیر .

۱۶ — حاضر اول ! قومانداسی اعطا ایدیلوب

طوغریدن طوغری یه براخبار قومانداسی ویریلیرسه نفر  
کندیلکندن اساس وضعیتی آلیر .

۱۷ — یرنده راحت ! قومانداسنده نفرصول

آیاغی ایلری چیقاریر . یرنده راحت حالنده نفر قلدانه .  
بیلیرسه ده مساعده سز قونوشه منز .

### یورویش

۱۸ — موزون یورویش (آدیم) و عادی یورویش

( آدیم ) نامیله ایکی نوع یورویش ( آدیم ) مستعملدر .

۱۹ — موزون یورویش عسکرک انضباط و انتظامی

تأییدہ خادمدر . بو یور ویش یناشیق نظاملرده اجرا اولندان حاضرلق تعلیملری ایله رسم تعظیم و رسم کچیدلرده و بیوک مسکون محللردن کچیشده قوللانیلور .

قوماندا : قطعه [\*] — مارش ! بو قومانداده

صول باجاق خفیفجه بوکیله رک ، آیاق برونی آشاغی دوشوک و بر آز طیشاری دونوک اولدینی حالدہ ، باجاقک آلت قسمی اوست قسمیله برخط مستقیم تشکیل ایدمک وجه ایله ، باجاق ایلری اوزادیلور . عین زمانده وجودک آغرلنی ایلری یه آلنیر و صول آیاق صاغ آیاقدن ۸۰ سانتیمتره ایلریده بتون طبانیله خفیفجه یره قونور . بو حالدہ وجودک بتون آغرلنی صول آیاق اوزرینه ویرلمش بولنور .

[\*] بو اخبار قومانداسی بلو کدن آز قوتده کی قطعات غیر معینه و منفرد نفر ایچون قوللانیلور . لکن بیوجک بر جزؤک معین بر قسمی اجرای حرکت ایدمک جکسه قطعه تعبیری برینه اوقسم معینی ذکر ایتمک لازمدر مثلاً : ایکنجی طاقم — مارش ! بلوک ، طابور ... الخ ایچون اخبار قومانداسی بلوک — ... طابور — ... الخ در . ۲

صول آياق يره قونورکن صاغ اوکچه بردن قالفار  
وصاغ باجاق خفيفجه بوکوک اولدینی حالده ، آياق برونی  
يره يقين اولمق و فقط طوقنامق اورزه ، چکيلهرك ایلری  
اوزادیلیر . بعده صاغ آياق ده صول آياق کبی يره  
قونور . دیزلری لزومندن فضله یوقاری قالدیرمقدن  
و آياقلری شدتله يره اورمقدن اجتناب ایدلمیدر .

نفر بومنوال اوزره جبهه سنه عمود بر استقامتده  
یورومکه دوام ایدر . قولر سربست صالانیر ، یورویش  
سرعتی دقیقه ده ۱۱۴ آیدمدر .

۲۰ — رسم کچیدلرده ویرطه جک : یرنده صای !

قطعه — مارش ! [ یورورکن : یرنده صای ! ]

قوماندا سنده نفر ، دیزلرینی ویاخود باجانک آلت  
قسمنی چوق قالدیرمامق و تینمه مک شرطیله یورویش  
سرعتنی محافظه ایدرک یرنده صایار .

صول آياق يره باصارکن ویرلمسی اقتضا ایدن :

ایلری — مارش ! قوماندا سنده نفر صاغ آياغنی

يره با صدق دینسکره صول آياغیله علی العاده طولده آدیم  
آتهرق یورومکه باشلار .

۲۲ — عادی یورویس ایچون : عادی

آدیم — مارش ! ( موزون یورویسیدن : عادی

آدیم ! ) قومانداسی ویریلیر . عادی دیمک طولی

وسرعتی اراضینک حالنه وهرنفرک تشکلات بدنیه سنه  
تابعدر . ایلری حرکت کسب بطائت ایتمالی ، وجودک  
وضعیتی ده گوشه مه ملیدر .

عادی یورویسیدن موزون یورویسینه کچمک ایچون :

آیاق اویدور ! قومانداسی ویریلیر .

۲۳ — طور دیرمق ایچون : قطعه — طور !

قومانداسی ویریلیر . آیاق اویدرلمش ایکن اجرا قومانداسی  
صاغ آیاق یره باصارکن ویرلملیدر . یورویس صول  
آیاقده بیتیریلوب صاغ آیاق قیصه جه اونک یاننه چکیلور .

عادی یورویسیده : طور ! قومانداسنده نفر بر

آدیم دها آتهرق کریده کی آیاغنی ایلریده کنک یاننه  
کنیر .

## قوشمق

۲۴ — موزون اوله رق قوشدیرمق ایچون :

قوشار آدیم — مارش ! مارش ! قومانداسی  
ویریلور .

قوشار آدیم ! اخبارنده نفر قوللرینک آلت  
قسملرینی ، وجوده خفیجه تماس ایده جک و طبیعی  
اوله رق آشاغی صارقان اوست قسملرله تقریباً کونیه  
تشکیل ایلده جک وجه ایله ، یوقاری قالدیرر اللر، باش  
پارمق یوقاری کله جک وجه ایله خفیف یومولور و آزاچیری  
دوندیریلیر .

ایکنجی : مارش ! قومانداسنده صول آیاقدن  
بدأ ایله سربستجه قوشیلور . یره بتون طبانله باصیله رق  
دیزلر خفیجه بوکیلور . قوللر ، وجوددن آیرلماق  
شرطیله جزئی ایلری کری حرکت ایتدیریلیر .  
خطوه نك طولی اراضینك حالته کوره ۷۵ : ۹۰ سانتیمتره  
وسرعتی دقیقه ده ۱۷۰ : ۱۸۰ آدیمدر .  
عادی یورویشدن قوشار آدیمه کچمزدن اول :  
آیاق اویدور ! قومانداسی ویرلیدر .